

精校竹林女科

靜觀堂校正家傳幼科發揮秘方卷之二

羅田萬全密齋先生著 龍岩鄭翁鴻舉校正 韓江後學張子謙澤山參訂重刊
急驚風証

臍風發搐者難治

初生月內非臍風証發搐者此胎驚也宜至聖保命丹金銀磨水送下或用全蝎一枚
薄荷葉包炙為末硃砂末三分和勻猪乳調五粒許服常發者名胎癇不可治也
變蒸發熱甚發搐者只用導赤散瀉青丸主之效
瘡疹未出發搐者此吉兆也宜用導赤散煎調硃砂服之效
或將驚發搐者凶兆也此毒氣攻心宜急解救之

用真牛黃腦子各一分硃砂末五分和勻猪尾尖血和丸小粟粒大每一丸燈草煎湯下
丹瘤發搐視其先後何如先發丹後發搐者不治此胎毒自外入裡也
先發丹後發丹此名驚丹可治此胎毒自內而外也宜用大連翹飲主之

大連翹飲

連翹一錢 瞿麥一錢 滑石一錢 車前子一錢

大力子炒一錢 赤芍一錢 木通五分 梔子三分

當歸五分 防風五分 黃芩一錢 五柴胡二錢

炙甘草二錢 荊芥穗一錢 蟬蛻一錢

右為末。再加大黃。燈心水煎。

重疥浸淫瘡入腹發搐難治。急用雄黃解毒丸。升麻煎湯下。瘡再發。兒搐止者吉。

咳嗽發搐。視其病之新久。

如初咳嗽時。痰甚氣促。連聲不止。以致發搐者。宜葶藶丸。蘇葉煎湯下。利去其痰。咳止。搐亦止矣。

如久嗽不止者難治。宜用小阿膠散。服五分至一錢。煎去渣灌下。如發搐後變嗽者。此風邪入肺也。宜用人參荊芥散再發之。

陳皮去白 荊芥穗 桔梗 半夏 桂枝 細辛

木通 炙甘草 杏仁去皮尖

右各等分。水煎姜引。

泄痢發搐。如先吐瀉。或痢疾久不止。以致脾胃虛弱者。此慢驚風也。難治。

如先發搐。後發泄痢者。此因發搐之時。多用利驚下痰之藥。或多用寒涼之藥。傷其胃氣。泄痢之不止。宜補溫之。錢氏異攻散。加木香砂仁肉豆蔻柯子肉為末。山藥粉糊丸。米飲水調之。

瘧疾發搐

瘧作熱時發搐者。此宜截去其瘧。瘧止搐亦止矣。
用小柴胡湯。加常山。檳榔。烏梅。發日服。以截其瘧。

發過服辰砂五苓散。以定其搐神效。

如發搐後變瘧者。此脾風之証也。宜平瘧養脾丸主之。

薪水李中菴吾婿也。一兒未週歲。因傷食發瘧。間一日一發。在子丑時。瘧發搐亦發也。發時咬牙呻喚。大便黃緣努黃而出。用口吮母口。得乳即止。瘧後汗出。心下跳。腹中鳴。退後頂上有小熱。其父母愛惜之心。瘧退搐退。則喜而稱愈。瘧搐俱發。則憂懼不勝。其母又不禁口。病來十日成疳矣。面色眊白。顙陷髮疎。兒漸衰瘦。請予治之。

予曰。此兒先受暑濕。暑則為瘧。濕則為痰。又傷飲食。助其暑濕之邪。暑則傷心。濕則傷脾。暑生熱。濕生痰。脾土一衰。肝木隨旺。瘧曰食瘧。疳曰食疳。當從虛治。且大哭手撒。皆肝胆之病。子時屬膽。咬牙者。心肝俱熱也。肝木心火。子母病也。大叫哭者。肝病也。呻喚者。腎病也。腎水肝木。母以子病也。肝者厥陰風木也。心跳者。少陰君火也。水火相搏。則內作搐。故大便努黃而出。用口吮母之口。此內熱作渴也。見口不能言。得乳自解。汗出者。初發之時。邪氣拂鬱。及其退而有汗。此真氣外泄也。故瘧之治法。無汎要有汗。散邪為主。有汗要無汗。養正為主。此兒汗泄于外。便泄于內。心下跳。腹中鳴。皆火盛証也。肝胆從火治。此其法也。退後項熱。兒項出顛。亦厥陰肝經之脉也。予製一方兩治之。于平疳止搐方中。加治疳

之約。於補脾消瘧方中。加止搖之約。調理五日。瘧搖俱止。兒亦漸肥。而瘕瘕除矣。附其方于下。其平疳止搖。加減于當歸龍薈丸用。

歸身 人參 炙甘草 柴胡 川芎各一錢

青皮 蘆薈 木香各七分 胆草酒洗 梔仁各五分

半夏三個 一本有黃芩 陳皮

右為末。神糲糊丸黍米大。每服二十五丸。寅卯時竹葉煎湯下。

治瘧補脾。加味參苓白朮散。

人參 黃芪蜜炙 歸身 使君子 青皮去白 白芍藥酒炒 各一錢

炙甘草 助蠶甲各八 厚桂 澤瀉 木香 夜明砂 柴胡各五 陳皮七分

一本有乾蟾 蓮肉

右共研末。山藥糊丸粟米大。每三十丸。已瘳一時服。炒米湯下。

乳母服加味四物湯

當歸 川芎 赤芍藥 生地黃 柴胡 升麻 木通

黃連酒炒 桔梗 麥門冬各五 薄荷葉七分

右用燈草水煎服

急驚風變証

急驚風變成癇者。此心病也。心主驚。驚宜醫之使平。驚風既平之後。父母玩忽。不以為慮。使急痰停聚。迷其心竅。或一月一發。或半年一發。發過如常。近年可治。久則不可治矣。宜服如神斷癇丸治之。

黃連五錢 白茯苓三錢 石菖蒲三錢 胆星一錢 珍珠一錢

鐵花粉一錢 硃砂二錢 甘遂五分

右為末。粟米粉煮糊。入獾猪心血三柞。同杵勻。為丸如彈子大。每一丸取獾猪心一枚。剉開兩片。入約在內。線紮定。水煮熟。分三服。本湯送下。

一兒二歲。驚風病後。未服豁痰安神之藥。自後成癇。其發之時。面色青黑。兩目連劄。口如嚼物。涎出於口。昏眩仆地。當欲發之狀。即以手探其口中。以吐其涎。如此調理。至七歲不作矣。

一兒四歲。病驚已絕。子用針刺其湧泉一穴而醒。自此驚已不發。子謂其父曰。此驚雖未發。未服豁痰之藥。若不早治。恐發癇也。父母不信。未及半年。兒似痰迷。飲食便溺。皆不知也。時復昏倒。果然成癇。其父來訴曰。不信先生之言。誠有今日之病。願乞醫治。不敢忘報。子乃問其子。爾病將發時。能自外乎。子曰。欲昏則發。乃作錢氏安神丸。加胆草服之。教其父曰。爾子病將發時。急搗兩手合谷穴。如此調治。一月而愈。

急驚風成癲者。肝主風。風搖末病。故驚風之後。有手足癱瘓。而不能舉者。此血虛不能養筋故也。宜

地黃丸加 當歸 牛膝 川獨活 肉桂 共為丸服之

一女子十四歲。病驚風後。右手大指次指。屈而不能伸。醫用羌活防風天麻全蝎。蠶。蟬。蛻。諸風藥治之。病益甚。予嘆曰。彼庸醫也。不知手足不隨。血虛也。伸而不能屈者。筋弛長也。屈而不能伸者。筋短縮也。皆血虛不能養筋之証也。手大指者。大陰肺經之所主。手次指者。陽明大腸之所主。與大陰皆屬燥金。此血燥之象也。一切風藥助風生燥。故血轉虛而病轉盛。口授一方。用

黃芪 人參 天門冬 生地 熟地 當歸 麥門冬 各等分 官桂減半為引。經

橫行手指之端。

共為末。煉蜜丸。芡實大。每一丸。食後湯化下。

一小兒驚風後。右手彊硬。五指拳曲。不能舉物。口角流涎。語言蹇澀。予曰。此脾有濕痰。脾不足而肝乘之。不可治也。

急驚風類証

天釣似癰

天釣者。疳熱驚悸。眼目翻騰。手足指掣。或啼或笑。喜怒不常。甚者爪甲皆青。如祟之狀。故宜和解風熱。鈎藤散主之。

鈎藤 一兩 五錢

白茯苓 一兩 五錢

防風 二錢

硃砂 飛

大黃 酒濕紙煨 二錢 五分

蟬蛻 二錢 羌活 二錢 獨活 二錢 青皮 二錢 炙甘草 二錢

右為末。姜棗煎服。此瀉青丸變化加減也。

瘧病似天鈞

瘧病項背強直。腰身反張。搖頭掣癢。噤口不語。發熱腹痛。鎖曰不醒。其狀可畏。但受病與天鈞不同。中風自汗。不可再汗。汗多則發瘧。中濕宜微汗。不可大汗。大汗過則發瘧者。有剛柔二瘧。無汗曰剛瘧。宜麻黃葛根湯。有汗曰柔瘧。宜桂枝湯。二瘧並宜人參敗毒加防風主之。

麻黃葛根湯

麻黃 去節一兩五錢 赤芍藥 一兩五錢 葛根 半兩 葱白二莖 豉半合

上剉散。每服二字煎服。

桂枝葛根湯

桂枝 二錢七分 白芍藥 二錢七分 甘草 二錢七分 葛根 一兩五錢 生姜 一兩 大棗 四枚

上剉散。每服三字煎服。

內鈞似癰

內鈞腹痛多啼。唇黑囊腫。僂僂互張。眼內有紅筋。斑血者是也。此寒氣壅結。只宜溫散。木香丸主之。

沒藥 木香 沉香 舶上茴香妙 鈎勝各等 乳香 全蝎減半
右為末取大蒜研爛和丸。梧桐子大。每服二丸。鈎勝湯化下。

盤腸似內釣

盤腸氣痛乾嘔。額上有汗。是小腸為冷氣所搏也。宜金鈴子散主之。

金鈴子二錢 舶上茴香各一錢

右為末。每服五分至一錢。調酒服。

當歸散

治寒邪入腎經。小腹急痛。面青手足冷者。

歸身 木香 肉桂 人參 炙甘草 加破故紙炒 小茴香炒

右各等分為末。姜棗湯調服。棗為丸亦可。

或問天釣內釣。瘕病。盤腸。屬何臟。何以辨之。

曰。經云。身半已上。天氣主之。身半已下。地氣主之。故天釣在上。生於風熱。宜發之。內釣在下。生于寒。宜溫之。

二釣者。皆足厥陰肝病也。足厥陰之脈。外則與督脈同行。循脊而上。入於顛之頂。所以病則目上翻。背後仰。如角弓之反張也。內則循陰氣。而入于小腹。所以病則小腹切痛。為囊腫也。諸風掉眩。皆屬肝木。故二釣皆有搖製似驚。但天釣或哭或笑。內釣則多啼為異耳。

瘥病屬足太陽膀胱經。上起兩目。上腹循頂而下。行于背。循腰而下。于是與厥陰之脈下行者同。所以角弓反張之証。亦相似也。但天鈞有搐掣。而瘥病無搐掣也。

盤腸痛屬手太陽小腸經。內行于小腹。與厥陰之脈內行者二同。所以小腹忽痛也。但內鈞有瘕瘕。而盤腸痛無瘕瘕可辨也。

客忤似癰

客忤者。口中吐青黃白沫。水谷鮮雜。面色變異。喘息腸痛。反則瘕瘕。狀似驚癰。但眼不上竄。且治法宜辟邪正氣散。驚安神蘇合丸。至聖保命丹主之。

客忤者。謂客氣忤犯主氣之病也。如五氣之邪。自鼻而入。則忤其心肝。五味之邪。自口而入。則忤其脾胃。有所驚恐。則忤其神。有所拂逆。則忤其意。當博求之。故曰心誠求之。雖不中不遠矣。詳見育嬰家秘。

一兒半歲。忽日慘然不樂。皆睡不乳。予曰。形色無病。將謂外感風寒。則無外感之証。將謂內傷乳食。則無內傷乳食之証。此兒莫有所思。思則傷脾。乃皆睡不乳也。其父母悟云。有一小廝相伴者。吾使他往。今三日矣。乳母亦云。自小廝去後。便不欣喜。不吃乳。父急命呼之歸。兒見其童嘻笑。父曰。非翁之妙手。不能知也。

一兒一歲。啼哭不止。予審察之。非病也。其父母曰。無病何以啼哭異常。予乃問其乳母。此兒平日戲玩何物。乳母曰。馬鞭子。即以取至。兒見大笑。擊人而哭止。

一兒九歲。吐乳使黃。身有微熱。予曰。此傷熱乳也。吐作腥氣。今已成積。母曰。未食熱物。予密語其父曰。必傷交奶得之。父問何故交奶。予曰。父母交感之後。以乳兒食此淫火之邪。忤脾胃正氣也。不治必成癰矣。何以致之。曰。淫火者。肝火也。病則發搐。癰者脾病也。積不消。則其為癰。父問何以治之。曰。瀉肝補脾。乃以瀉火胃苓丸服之。

中惡似癰

中惡者。小兒之危惡也。其病有二。

如中惡毒之氣者。病自外至。其証眩仆。四肢厥冷。兩手握拳。不能喘息。先用霹靂散。

躑躅花一分

雄黃三分

射香少許

右為末。用燈心三寸長。蘸藥少許。插入鼻孔。得嚏即醒。蘇合丸灌之。或捫生飲。

南星煨一錢

半夏洗一錢

木香半錢

生蒼朮一錢

生甘草一錢

石菖蒲一錢

右剉入生姜。用水煎服。盡一劑。以平為度。

如內生中惡毒之物。病自内生。其証心腹刺痛。腹皮青黑。悶亂欲死。宜急攻之。解毒丸主之。

白虎証似癰

白虎証乃流年白虎。歲前九位之神。免觸犯之。則不精爽。而目視不轉。手如數物。宜服至聖保命丹。取太陽真土。伏龍肝杵碎。煎湯送下。取龍虎相制之義。

或問客忤中惡。白虎三証何氣使然。

曰。皆客氣也。客氣不正之氣也。鬼之所祟。謂之主氣為之忤者。謂之客氣。經云。邪之所湊。其氣必虛。故鬼之主氣强者。雖有客氣。不能忤也。主氣弱者。稍有所忤。則成病矣。客忤者。病之總名也。

中惡。則客忤之重者。

白虎。則客忤之輕者。

治法。皆以辟邪養正安神和胃為主。蘇合香丸治之。皆三病之聖藥也。

蟲病似癰。

蟲病。乃虺虫攻其心痛也。發則目直視。口襟不言。或大呌哭。口中流沫涎。面色或青或白。手足強直。宜急攻之。雄黃解毒丸。苦練根皮煎湯下。

馬皮風似癰。

馬皮風者。肺脹也。上氣喘急。兩脇扇動。鼻張悶亂。喘喝聲。痰涎壅塞。其証危惡。宜急攻之。牛黃散主之。

黑白牽牛頭末 一兩 大黃 二兩 檳榔 五錢 木香 三錢 輕粉 少許

右為末和勻。每服用冷水。或漿水調服。

或問何以謂之馬脾風。

曰。午屬馬。為少陰君火。心主熱。脾主虛。心火乘肺脾之痰升。故肺脹而喘。謂之馬脾風也。一免四歲。忽作喘。氣逆痰壅。鼻孔開張。予曰。此馬脾風也。如胸高肩聳。汗出髮潤。則不可治。須急治之。以葶藶丸去防己。加大黃。除肺之熱。合小陷胸湯。除肺之痰。礮為末。竹瀝調服而愈。

慢驚有三因。

因病後。或吐瀉。脾胃虛損。遍身冷。口鼻亦冷。手足時瘳癢。昏睡露睛。此無陽也。宜待其未發而治之。調元湯合小建中湯主之。如見上証。雖有神丹。不可治也。

或問吐瀉何以生風而不治者何也。

曰。五行之理。氣有餘則乘其所勝。不足則所勝乘之。吐瀉損脾。脾者土也。風者肝木所生也。脾土不足。則肝木乘之。木勝土也。其病不可治。人身之中。以穀為本。吐多則水谷不入。瀉多則水谷不藏。吐則傷氣。泄則傷血。水穀已絕。氣血又敗。如之何不死。

或問風從風治。何以所立之方。不用風藥何也。

曰。內經云。肝苦急。以甘緩之。以酸泄之。以辛散之。又云。脾欲緩。急食甘以緩之。調元湯。參芪甘草之甘。可以緩脾之急。為治風之聖藥也。而又可以補脾。芍藥桂枝。辛熱之從。可以

建中二方合而用之。治慢驚風者。此東垣老人之秘傳。

因得驚風。醫用利驚之藥太多。致傷脾胃。元氣益虛。變為慢驚者。此外風未退。中虛又生。風虛相搏。正去邪存。大命隨傾。此慢驚風証。尤慎于始也。

一兒五歲。病痢。醫用藥治之。痢轉甚。其脾胃中氣下陷也。予用參苓白朮散調之。十日痢止。予辭歸。有感者。謂其父曰。無積不成痢。富家之子。多有肉積。吾有阿魏。嘗用治痢有效。父感而聽之。乃以阿魏作丸。如小豆大。連服三九。其子昏睡。適予又至。以服阿魏丸告之。予驚曰。阿魏雖去肉積。大損元氣。令即脾胃已弱。豈可服之。父曰。病安而喜睡未醒也。予謂乳母叫之。則目露睛。氣已絕矣。

有兒脾胃素弱。一日病瀉。以理中丸服之。瀉未止。口内生瘡。謂兒前藥性熱助火。復以冷藥投之。身微熱。睡則揚睛。予見之曰。此兒發慢驚風。令即脾胃本虛。瀉則益虛。口中生瘡者。脾虛熱也。誤服冷藥。則中氣益損。昏睡不乳。虛損之極也。當急作調元湯。加倍人參服之。調理半月而愈。一女子五個月內發搐。予以瀉青丸投之。三四服。搐不止。轉甚。予思痰壅氣鬱。乃發搐也。丸散頗粗。與痰粘滯于咽喉之間。致氣不通。而搐愈甚也。用竹葉煎作湯。取綿紙滌去其渣滓。澄清服之。搐止。其父嘆曰。醫之貴于變通也如是夫。

一小兒得真搐。予曰不治。彼家請一推斜法者。搥之。其兒護痛。目瞪口動。一家盡喜。再觀兒斜視。彼曰看娘。兒口開張。彼曰尋娘乳吃。予嘆曰。誤矣。觀子轉睛。謂之看娘。急口開張。

謂之尋乳皆死証也。其夜兒果死。

肝主風。急驚風。搐搦振掉。肝之本經氣動所生也。當急治之。得心熱則發。宜瀉青丸用導赤散煎湯送下而愈。

初發搐昏睡不醒。或搗人中。或搗太陵。或灸中衝。待其醒而藥之。

或用白朮。蚕。猪牙。皂角。細辛。川芎。藜蘆。

各等分為末。吹鼻中。嚏者可治。不嚏者不可治。

如頑涎壅塞。

用菴蚕末吐之。或礞石滾痰丸吐之。家傳三黃五色丸下之。

小兒發搐。如法治之。搐止者吉。如時發時止。昏睡不醒。不乳者死。

兒一歲發搐不止。口鼻氣出溫者。此真搐也。不可治。搐後稍醒。口鼻出熱者。此假搐也。可治。

錢氏云。氣溫則內生。謂肝之真臟病見者。故曰真。氣熱者。病自外生者也。故曰假。

洗翁治一兒。滿月後發搐。以至聖保命丹治之。安。

祖訓治急驚風。只用滴青丸導赤散。

舊縣張月山長子。病急驚風。十七日不醒。待請予到。舌色黑矣。予嘗見父念王茵經。傷寒

舌黑。洗不紅。藥洗分明。悟吉凶。全問曰。用何藥洗之。父曰。薄荷湯。乃依法。急取薄荷洗之。

舌變紅色。予曰。可治也。用瀉青丸二錢。煎湯服一飲而盡。口躁濕已止矣。其夜搐止。熱退。

此子不遇予幾死矣。

汪元津幼子。七月間因傷食病瘧。七日發搐。予見之。肝風雖甚。脾未至困。當瀉其肝。後補其脾可也。乃以瀉肝散。三服而搐止。後用調元湯。以補其脾。琥珀抱龍丸。以平其肝。喜睡。二目不能開。予思喜睡者。非脾困也。乃神昏欠煬。煬也。目屬肝。兩胞屬脾。合目不開者。非亡魂也。乃神倦也。今兒目欲開欲合。可知也。只用前方。又三日。令其家中平日所與嬉戲者。取其小鼓小鼓之物。在房中床前。唱舞以娛之。未半日。目開而平復也。凡十日而安。胡鳳崖有子痘瘡後傷食。疳飢瘦羸。有醫童一冊見。曰不是疳証。乃血虛也。其家惑之。始教則生一疾。如癰非癰。晝則安靜。夜則夢寐。抱其乳母。叫云我怕我怕。如人捕之狀。詢其病原。此兒性不食葯。一冊來煬葯。必將針火以恐嚇之。而得斯疾也。蓋胃為戊土。腎為癸水。合而化為火。腎主恐。恐則傷腎。此因脾胃虛弱。不能生肺。腎無化原。亦從而虛也。腎藏志。腎虛則神志不寧。而生驚恐也。寤則神棲于心。寐則神棲于腎。脾志往來出入之門戶也。必以補脾為主。安神次之。補脾肥兒丸。安神錢氏安神丸。調理半年而安。天鈞內釣。足厥陰肝經之脈。起足大指。而上環陰器。左交右。右交左。上入小腹。下會脅脈。循脊脅過而上至於顛。如風傷肝。則發天鈞。其狀眼上翻。頭頂向後。仰身反折。揮如角弓之狀。錢氏云。肝有風甚。則角弓反張是也。

天鈞屬水。宜發散。瀉青丸中去大黃。加天麻。全蝎。僵蚕。鈞勝。內釣者。肝受寒。則小腹痛。

大叫哭。目直視。但不搐耳。宜急溫其內。當歸茱萸湯。及木香丸。

當歸 吳茱萸湯 乾焙 小茴香 炒 甘草 木香 木香丸方見驚風類証。

家傳幼科發揮

小兒腸痛。亦在小腹腰屈。空啼無淚。此名盤腸痛。証似內釣。但不直視也。金錢子散。見類証主之。癰疽。此厥陰肝經痛也。與腎無干。皆寒所致。

有腫而不痛者。名癰疽。痛而不腫者。名疔。

有腫又痛。名癰疽。茱萸內消丸主之。

本縣大尹梁公子病疽。右邊罌丸。腫大如鷄卵。長約五寸。上絡臍傍。下抵陰囊。直直硬痛。大小便不通。急召金全立方。用。

當歸 川芎 木香 青皮去穰 山梔仁 山查子 小茴香

川練子 澤瀉服二劑而安。

卵腫。小兒性急多哭者。有之。

子曾治小兒立方。用香附子 川芎 木香 青皮 山梔子 麥芽各等分。作丸。服。

又小兒腸痛。

子用諸症辨疑內一方。五苓散加川練子小茴香。入鹽捻煎。神效。